

# DECLARATION

DE LA VOLONTE

DV ROY, FAICTE

despuis son despartemēt  
de Paris.

*Enuoyee aux Gouverneurs des Prouinces  
de son Royaume.*



A LYON;

PAR IEAN PILLEHOTTE.

M. D. LXXXVIII.

---

Avec priuilege du Roy.

MO...  
...  
...  
...

...  
...

Case  
F

39


326

1588 f12

THE NEWBERRY  
LIBRARY



## DE PAR LE ROY.



O S T R E A M E<sup>e</sup> ET  
F E A L, Nous estions  
en nostre ville de Pa-  
ris, où nous ne pen-  
sions à autre chose

qu'à faire cesser toutes sortes de ja-  
lousies & empeschements du costé  
de Picardie & ailleurs, qui retardo-  
ient nostre acheminement en nostre  
pais de Poictou, pour y poursuiure  
la guerre encommencee contre les  
Huguenots, suyuant nostre delibe-  
ration, quand nostre cousin le Duc  
de Guyse y arriua à nostre desceu,  
le neufiesme de ce mois. Sa venue  
en ceste sorte augmenta tellement  
lesdictes deffiances que nous nous

trouuâmes en bien grande peine,  
parce que nous auions auparauant  
esté aduertis d'infinis endroits qu'il  
y deuoit arriuer de ceste façon, &  
qu'il y estoit attendu par aucuns  
des habitans de ladiete ville, qui  
estoyent soupçonnez d'estre cause  
desdictes desiances, & luy auions à  
cette occasion fait dire auparauant,  
que nous ne desirions pas qu'il y  
vint, que nous n'eussions composé  
les troubles de Picardie & leué les  
occasions desdictes desiances. Tou-  
tefois considerant qu'il estoit venu  
seulement accompagné de qua-  
torze ou quinze cheuaux: Nous ne  
voulusmes pas laisser de le voir,  
pour essaier à faire auec luy que les  
causes desdictes desiances & trou-  
blés de Picardie fussent ostées. A  
quoy voyans que nous n'aduan-  
cions gueres, & que d'ailleurs no-  
stredi



l'estredicte ville se remplissoit tous les iours de gentilshommes, & autres personnes estrangeres, qui se r'alloyent à la suite dudiect Duc, que les recherches que nous auions commandé estre faictes par la ville, par les Magistrats & Officiers d'icelle, ne se faisoient qu'à demy, pour la crainte en laquelle ils estoient: & aussi que les cœurs & volonteze d'aucuns desdicts habitans s'aigrissoient & alteroient tous les iours de plus en plus, avec les aduertissements ordinaires, qui nous redoubloient iournellement, qu'il deuoit esclorre quel que grand trouble en ladicte ville. Nous prinsmes resolution, de faire faire lesdictes recherches plus exactement par les quartiers d'icelle, que les precedetes, afin de recognoistre au vray l'estat de la ville, & faire vuidier lesdicts estrangers qui ne seroient  
ad

aduouez, comme ils deuoient estre.  
Pour ce faire nous aduifames de ren-  
forcer certains corps de garde des  
habitans & bourgeois de ladicte vil-  
le, que nous auons ordonné estre  
dressez en quatre ou cinq endroits  
d'icelle, des compagnies de Suisses,  
& de celles du regiment de nostre  
garde, qui estoient logees aux faux-  
bourgs d'icelle, & de commander  
aussi à aucuns seigneurs de nostre  
Conseil & Cheualiers de nostre or-  
dre du saint Esprit, d'aller par les  
quartiers, avec les Quaterniers & au-  
tres officiers de ladicte ville, par les-  
quels on a accoustumé de faire fai-  
re lesdictes recherches, pour les au-  
toriser & assister en icelles, comme  
il s'est faiet par plusieurs fois : dont  
nous fismes aduertir ledict Duc, &  
tous ceux de ladicte ville, affin que  
personne n'en print allarme, & ne  
fust.

fust en doubte de nostre intention  
en cest endroit. Ce que du commen-  
cement les habitans & bourgeois de  
ladiète ville firent contenance de re-  
cevoir doucement. Toutesfois quel-  
que temps apres les choses s'eschau-  
ferent de telle façon par l'induction  
d'aucuns, qui alloient semant & im-  
primant au cœur de ldicts habitans,  
que nous auons faict entrer lesdi-  
ctes forces, pour establir des garni-  
sons estrangeres en ladiète ville, &  
leur faire encores pis, qu'ils les eu-  
rent bien tost tellement animez &  
irritez cōtre icelles, que si nous n'eus-  
sions expressement defendu à ceux  
qui leur commandoient, de n'atten-  
ter aucunes choses contre lesdicts  
habitans, & d'endurer & souffrir plu-  
stost toutes les extremitez du mon-  
de, que de ce faire : Nous croyons  
certainement qu'il eust esté impos-  
sible

sible d'euitier vn sac general de ladicte ville, avec vne tresgrande effusion de sang.

Quoy voyant, nous nous resolu-  
mes de ne faire executer plus aduāt  
lesdictes recherches commencees, &  
de faire retirer quand & quand les-  
dictes forces, que nous n'auions fait  
entrer que pour ceste seule occasion.  
Estant vray semblable, que si nous  
eussions eu autre volonte, nous l'eus-  
sions tentee, & peut estre executee  
entierement selon nostre desir, de-  
uant l'esmotion desdicts habitans,  
& qu'ils eussent tendu les chaines, &  
dressé des barricades par les rues,  
comme ils commencerent à faire  
incontinent apres midy, quasi en  
mesme temps, par toutes lesdictes  
rues de ladicte ville, à ce instruits &  
excitez par aucuns Gentilshommes,  
Capitaines, ou autres estrangers en-  
uoyez



uoiez par ledict Duc de Guyse, qui se trouuerent en bien peu de temps departis & rangez par chacune des Dixaines pour cest effect. Faisant retirer lesdictes compagnies Suysses & Françoises, il y eut à nostre tres-grād regret, quelques arquebusades tirees & coups ruez par lesdicts habitans, qui porterēt principalement sur aucuns desdicts Suisses, que nous feismes retirer & loger ce soir là es enuirōs de nostre Chasteau du Louure, affin de voir ce que deuiendroit l'esmotion en laquelle estoient lesdicts habitans, & feismes tout ce qu'il nous fust possible pour l'amortir, iusques à faire le lendemain du tout sortir, & retirer de ladicte ville lesdictes compagnies, reseruē celles que nous auions deuant leur entree posé en garde deuāt nostredict Chasteau du Louure: nous ayant esté re-

monstré, que cela contenteroit & pacifieroit grandement lesdicts habitans. Nous feismes aussi arrester quelque reste de cōpagnies de gens de pied du regiment de Picardie, qui estoient toutesfois encores à sept ou huiët lieuës de ladicte ville, ensemble quelques Seigneurs & Gentilshommes nos seruiteurs, qui nous venoyent trouuer, voyant que l'on en auoit donné vmbrage à ce peuple, & que l'õ se seruoit de ceste couleur pour esmouuoir d'aduantage lesdicts habitans. Neantmoins au lieu d'en voir l'effect tel que nous attendions pour leur propre bien & nostre contentement, ils auroient continué depuis à hausser d'aduantage lesdictes barricades, renforcer leurs gardes, iour & nuict, & les approcher de nostre dict Chasteau du Louure, iusques contre les sentinelles de nostre garde  
ordi

ordinaire, & mesme se feroient faisis de l'hostel de ladicte ville, ensemble des clefs de la porte saint Antoine, & autres portes d'icelle. De sorte que les choses seroient passees si auât le treziesme de ce mois, qu'il sembloit qu'il n'estoit plus au pouuoir de personne, d'empescher l'effect d'une plus grande violence & elmotion, iusques deuant nostredict Chasteau.

Quoy voyant, & ne voulant employer nosdictes forces contre lesdicts habitans, pour nous auoir tousiours esté la conseruation de ladicte ville, & des bons bourgeois d'icelle, aussi chere & recommandee, que celle de nostre propre vie, ainsi qu'ils ont esprouué en toutes occasions, & est tresnotoire à vn chacun. Nous nous resolusmes d'en partir ledict iour, & plustost nous absenter & es-

loigner de la chose du monde, que nous aimōs autant, comme nous desirons faire encores, que de la voir courre plus grand hazard, & en recevoir aussi plus de desplaisir. Ayant supplié la Royne nostre tres-hōnoree Dame & mere d'y demourer, pour voir si par sa prudence & auctorité, elle pourra faire en nostre absence, pour assopir ledict tumulte, ce qu'elle n'a peu faire en nostre presence, quelque peine qu'elle y ait employee. Et nous en sommes venus en ceste ville de Chartres, d'où nous auons bien voulu incontinent vous faire la presente, pour vous prier de mettre en consideration la consequence de ce faict, combien il apportera de preiudice & de desaduantage à la cause publique, & principalement à nostre sainte Religion Catholique, Apostolique & Romaine



Romaine , s'il paille plus auant, puis  
 que ceux qui auoient accoustumé  
 de combatie ensemble pour la pro-  
 pagation d'icelle, seront par cest ac-  
 cident, s'il n'est reparé, desvnis &  
 contrainsts de tourner leurs armes  
 les vns contre les autres. A quoy  
 nous vous priōs de croire, que nous  
 ferons de nostre costé, tout ce qu'il  
 nous sera possible, pour n'y tomber,  
 tant a de puissance sur nous le zele,  
 que nous portons à nostredicte Re-  
 ligion, que nous auōs faict paroistre  
 iusques à present. Et vous prions &  
 exhortons tant qu'il nous est possi-  
 ble, de faire prier Dieu en vos Es-  
 glises pour ceste reuñion, & que l'o-  
 beissance, qui nous est deuë, nous  
 soit conseruee comme il appartient,  
 & ne permettre que les habitans de  
 nostre ville de set  
 du droit chemin d'icelle. Mais les  
admo

admonester & confirmer à demeurer fermes & constans en leurs loyau-  
tez enuers leur Roy en vñion & con-  
corde tous ensemble, pour se main-  
tenir & cōseruer sous nostre obeis-  
sance, & ne tomber aux incōueniens  
qui leur sont preparez, s'ils tiennent  
autre chemin: Et outre que vous fe-  
rez chose digne de vostre prudence,  
fidelité, & deuoir, qui seruira d'exem-  
ple à tous nos subiects: Nous vous  
en scaurons gré, & le recognoistrōs  
à iamais enuers vous & les vostres.

Donné à Chartres, le  
iour du mois de May, l'an mil cinq  
cents quatre vingts huiet.



